

Pol da Pilipai Amin do Papia Mandagit

But p̄iso gen

Pol tap pakbi idap pudanek wasok wasoksi Yurop mīktim kin̄ altagit bisapmon, Pol kin̄ Masadonia Provinskon kokup pap Pilipai un̄udon Gen Bin Tagisi yan̄ ten̄tenagit (Yabekbi 16.8 40 un̄udon koki). Don ae kokup kindakon pan̄ki egakwan dam tebanon yip̄gwit. Amin da dam tebanon Rom bo egip̄gut yan̄ nandan̄. Dam tebanon egip̄gut bisapmon amin di da Pilipai pan̄muwukbi dakon nandan̄ gadat pan̄upbal ak do nandan̄ dakon geni nandagit. Nandan̄ek un̄un gen do butjik nandagit, mani iyi dam tebanon egip̄gut un̄un do butjik dima nandagit. Pol un̄un Yesu do nandan̄ gadat anek but galaksi nandagit.

Kalip Pol monej ae yo kabi do wadak wadak aban Pilipai amin da an̄puluganek monej yopba kiwit. Do Pol da on papiakon but galak gen mandagit. Ae dam tebanon egakwan nandaba kik anek but yokwi nandani yan̄ do nandan̄ gadatni pan̄teban agit.

Pol da Pin̄kop da but galak do yo madep yomgut un̄un do yoyisak. Un̄un egip̄ egip̄ kalugi Yesu Kristokon nan̄ abidawit un̄un do yoyisak. Yan̄ yoyisak, un̄un Juda amin dakon gen teban yolek un̄un kosiron da but galak dakon yo un̄un dima abidawit. Yesu kalon nan̄gin nandan̄ gadan̄ im̄nek abidawit. Pol un̄un Pilipai amin da Kristo dakon an̄pak abidan̄ kimagek yoyin̄det toptopmi do kan̄

kimotni do nandisak. Kristo unun iyi do amin madep yan nandanek iyi dakon galaktok dima yolgit. Unun iyi pinbisi egek Pinkop da pi imgut unun banjin agit. Pol da yan yosok, minat aminyo Kristo gat gadan kimagek ekwan unun da Pinkop dakon but yawot abidanek kisik kisik ekwan.

On papia manjiki bisapmon Pol Pilipai panmuwukbi do but dasi galaktan yomisak yanji kokdisal.

*Pilipai amin da Pol gat gadat gadat awit do Pol but galaksi nandagit
(Kilapmi 1-4)*

¹ Nak Pol gat ae Timoti gat nit Yesu Kristo dakon pi monjini. Nit papia on Yesu Kristo dakon minat aminyo morap kisi kokup pap Pilipai ekwan ji do mandamak. Ji gat ae panmuwukbi unun dakon kila amin gat ae pi amini ji do mandamak. ² Pinkop Datnin gat ae Amin Tagi Yesu Kristo gat da ji do nandan yawok daminek panpuluganbal butji yawori tosak.

Pol da Pinkop ya yan iyigit

³ Ji do nandisat bisap morapmon Pinkopno ya yan iyisat. ⁴ Ji do bisit asat bisap morapmon nak kisik kisigon da asat. ⁵ Nido Gen Bin Tagisi wasanek nandawit gildaron da win abisok ekwamanon ji da nak anpuluganba Gen Bin Tagisi unun dakon yan tentenok pi aman. ⁶ Nak yanji nandisat, Pinkop da jikon pi tagisi wasagit unun sanbenek anan kinakwan Yesu Kristo da tobil apjak bisap madepmon wasip akdisak. ⁷ Ji unun

nak da but kagagwan ekwan, do asi nak but dasi galak tan damisat. Pin kop da nandan yawotni do anek nak gat ae ji gat kisi yo tagisi nimin nimin asak. Dam tebanon egisaron, bo wanga egek Gen Bin Tagisi an kutnanek anteban asaron, nandan yawotni do anek pan pulugok madepsi asak. ⁸ Pin kop da nandisak, Yesu Kristo da amin do but dasi galak tan yomyomni unun nak da buron yipgut da tanakwan nak ji kisi morap dandak do tagisi nandisat.

⁹ Nak ji do bisit yan asat: Jikon amin do but dasi galak tan yomyom anpak unun sigin madepsi anakwa pap tosak, ae nandak nandakji gat ae nandan kokwinji gat tagisi tan damjak. ¹⁰ Anakwan anpak morap nandan kokwin anek anpak tagisi bangin pan egipni. Anek Kristo da tobil apjak bisapmon ji wagil gwaljigi mini ae diwarisi mini egipni. ¹¹ Ae anpak kilegi dakon bami Yesu Kristokon da abisak unun da jikon tugosak. Anakwan amin da kanek Pin kop man madep iminek an kisini.

Pol dam tebanon egipgut, unun da Gen Bin Tagisi anteban agit

¹² Not kabino, yansi nandani. Dam tebanon nepman unun da Gen Bin Tagisi dakon kosit sop-sop dima asak. Unun da Gen Bin Tagisi aniren asak. ¹³ Emat amin morap gapman dakon kila amin madep dakon yut on kila anek ekwan gat, ae minjat aminyo diwari gat da nak Kristo yoldat unun do anek dam tebanon nepman yan kili nandawit. ¹⁴ Panmuwukbi not morapmi unun da nak dam tebanon egisat yan nandawit, do Amin Tagi da

butni panṭeban aban pasol pasol yipmanek Pinṭkop gen yaṅ tenṭenok do pi tebaisi aṅ.

¹⁵ Asi, Kristo dakon gen yaṅ tenṭenok aṅ amin diwarṭi da nak do nandaba yokwi tok aṅek abiṅ nepmanṅaṅ, nido nak Kristo do yaṅ tenṭenok tagṭisi asat dakon man taṅ namisak. Mani diwarṭi nak da pi asat uṅun do but galaksi nandanek uṅunyo kisi da Gen Bin Tagṭisi yaṅ tenṭenon. ¹⁶ Uṅun amin nak but dasi galak taṅ namineṅek yaṅ tenṭenok pi aṅ, nido Pinṭkop da nak Gen Bin Tagṭisi aṅteban abeṅ do dam tebanon nepgut yaṅ nandanṅ namaṅ.

¹⁷ Mani amin diwarṭi man madep timit do pi aṅek Kristo dakon gen yaṅ tenṭenon. Nandak nandakni tagṭi dima. Nak dam tebanon egapbo jigṭi di gat saṅbeṅek nam do aṅek aṅ. ¹⁸ Butni tagṭisi taṅakwan yoṅ bo butni tagṭi dima taṅakwan yoṅ nak uṅun do nandaba kik dima asat. Yo madep uṅun Kristo dakon Gen Bin Tagṭisi yaṅ tenṭenon. Nak uṅun do but galaksi nandṭisat, ae don but galak madep sigṭin nandakeṅ.

Pol dima kimagek sigṭin egek Pilipai amin panṭpulugok do nandagṭi

¹⁹ Asi nak but galaksi nandanek egṭipbenṅ. Nido, ji da nak Pinṭkop da anṭpulugaṅakwan Telagṭi Wup Yesu Kristo da yabekgṭi uṅun da nandanṅ gadatno aṅteban asak do bisit aṅ yaṅ kilṭi nandagṭim. Yaṅ aṅ do nak nandṭisat, abisok yo noman taṅ namaṅ uṅun da nak anṭpulugaṅban tagṭisi egṭipdisat.

²⁰ Nak but galaksi nandanek yaṅsi nandṭisat: Nak mayaktok aṅipmi dima pakeṅ. Nikba kimokgeṅ do yoni kaṅ, nak teban taṅek naga anṭpak asat

uñun anpak nanġin yolek Kristo anġisiken. Bo egipben do yoni kañ, anpak morap asat uñun da Kristo man madep imjak yañsi nandisat. ²¹ Nak yañsi nandisat: Egipben bisapmon yo morap aben uñun da Kristo man madep imdisak. Ae kimokgen kañ, abisok egip egip asat uñun si yapmañek yo wukwisi abidokdisat. ²² Nak dima kimagek sigin egipben kañ, Kristo dakon pi abo bami tagisi tokdan. Egipben bo kimokgen? Ni kosit da tagi asak uñun dima nandisat. ²³ Jigisi nandisat, nido nandak nandak bamori asat. Kinda uñun yañ: Nak kimagek egip egipno yipmañek kiko Kristo gat egip do nandisat. Uñun da miktimon egip egip yapmañek wukwisi asak. ²⁴ Mani miktimon egek ji pañpulugoken kañ, uñun da tagisi asak. ²⁵ Asi, Piñkop da miktimon egipben do nandisak uñun nandan gadañ kimokdot. Miktimon ji gat egek pañpulanganapbo nandan gadatji teban tanakwa but galaksi nandani yañsi nandisat. ²⁶ Do nak don jikon aeno abin alañ damdisat. Anapbo ji nak do but galak nandanek Yesu Kristo anġisini.

Piñkop da Pilipai amin jigiyoo kisi pani do nandisak

²⁷ Yo nianen di noman tañ namni uñun do dima nandani. Yo madep uñun ji disi anpak kilegi anek Kristo dakon Gen Bin Tagisi guramik kimotni. Yañ anakwa nak abin ji dandaken, bo dubagikon egek genji ġin nandaken kañ yañsi nandaken: Ji but kalonon da tebai agek Kristo dakon Gen Bin Tagisi nandan gadani do amin pañtagap ak do pi an yañ nandan daben. ²⁸ Ji uwalji do dima

pasolni. Uwalji do dima pasolni kan unun da yan yolisak: Pinƙop da ji yokwikon ban pulugan depdisak, mani uwalji si pasildan. ²⁹ Pinƙop da ji do tagisi nandanek Kristo nandan gadan imni do bikbik damgut. Ae unun gin dima, Kristo dakon man do jigiyoyi kisi pani do nandaban tagisi asak. ³⁰ Nak gat ji gat kisi Kristo dakon man do anek jigiyoyi paman. Kalip nandanakwa jigiyoyi pagim da ae sigin pasat dakon geni disi nandan.

2

Nin but kalonji egek amin do anpak tagisi an yomney

¹ Ji Kristo da butji panteban anakwan bo akgan? Ji but dasi galak tan damisak do butji yawori bo tosoƙ? Ji Telagi Wup da egip egipmon but kalon anek bo ekwan? Ji not do but dasi galak tan yominek bupmi nandan yoman, ma? ² Yan kan ji nandak nandak kalonji banjin pan egipni, ae not do but dasi galak tan yominek but kalonji egipni. Yan ani kan, nak dakon kisik kisik madepsi pap tosak. ³ Ji disi dogin nandaba kik anek yo dima ani, bo man madep pak do anek yo dima ani. Amin diwari do gawak yominek man madep yomni. ⁴ Disi dogin dima nandani. Amin diwariyo kisi tagisi egipni do nandani.

Kristo pinji ekwan Pinƙop da anenakgit

⁵ Ji Yesu Kristo da nandak nandak pagit yan gin pani. ⁶ Yesu unun iy Pinƙop egipgut, mani Pinƙopmon egip egipni unun tebai dima abidagit.

⁷ Unun yipmanek oman monji kinda dakon anpak yolek amin daganek altagit. ⁸ Amin da kanba aminsi egipgut. Aminsi egek don gawat gawat anek Datni dakon galaktok yolek kimakgit. Asi, gen guramigek tilak kindapmon si kimakgit bisapmon mayaktok madepsi pagit. ⁹ Yo yan agit do Pin kop da Yesu dakon man madepsi anenagek kwensi yipgut. Man madep imgut unun man morap diwarı yapman mudanek man wukwisi kinda imgut. ¹⁰ Pin kop da yan agit nido amin morap Kwen Kokupmon ae miktımon ae amin kili kimakbi ae wup miktım kagagwan ekwan unun kisi da Yesu dakon man madep do anek nıwakben an imni yan do agit. ¹¹ Nıwakben an imınek amin kisisi da yan yokdan, “Yesu Kristo unun Amin Tagi.” Yan yanakwa Pin kop Dat da man madep pasak.

Nin minjat aminyo da binapmon tenıtenıni ton da ekwaman

¹² Not kabinosi, kalip nak ji gat egapbo geno nandanek guramikgwit. Abisok nak ji gat dima ekwaman, mani yan dayısat, ji nak da abisok gen on mandan damısat unun guramik kimotni. Pin kop da ji yokwikon ban timıkgıt, do pasal nımnımkıyo anek pi madepsi anek Pin kop da ji do but galak do wup dakon yo tagısi timıtıni do manjıgit unun timıtıni. ¹³ Yanısi ani, nido Pin kop da iyı jikon pi asak. Unun da geni guramıtıni do ji dakon but panıtagap asak, ae galaktokni yolni do tapmım damısak.

2:7: Jn 1.14; 2Ko 8.9 **2:8:** 1br 5.8; 12.2 **2:9:** Ya 2.33; Ep 1.20-21; 1br 1.3-4 **2:10:** Ro 14.11 **2:11:** Ro 10.9

¹⁴ Yo morap anikon, nandaba yokwi tok aņek gen emaron da dima ani. ¹⁵ Yanj ani kaņ, miņat amin morap da dandaba gulusunji mini ae yokwisi mini da egipni. Miktimon yokwi pakpak amin unun da binapmon egek Piņkop dakon monjini gwaljigi mini egipni, ae gik da yanj tagisi tenņoni. ¹⁶ Miņat aminyo paņpuluganek egip egip bamisi egipni do Piņkop dakon Gen Bin Tagisi yoyini. Yanj ani kaņ, don Kristo da tobił miktimon apjak bisapmon nak but galaksi nandakdisat. Nido pi madepsi jikon agim unun pi isali dima asak.

¹⁷ Nandanj gadatji unun paret yombem kindanaņ Piņkop do imanj. Ae naga jigı pasat unun da Piņkop do paret aņek wain tagalgaņ unun yombem asak. Yanj do aņek but galaksi nandisat. ¹⁸ Do jiyo kisi nak gat but galak nandanek egipnenj.

Pol da Timoti Pilipai yabekban kisak do yagıt

¹⁹ Amin Tagı Yesu da kosit aban pisosak kaņ, kili ununjak Timoti yabekgo jikon opdisak. Don ae tobił apjak bisapmon ji nianj ekwanj dakon gen bin nandanek unun gen da kisik kisik namjak. ²⁰ Timoti yombem amin di nak gat dima ekwamanj. Unun ji nianj ekwanj ae ji paņpulugok do nandak nandak madepsi asak. ²¹ Amin diwari iyi dogin nandanj. Yesu Kristo dakon yo do dima nandanj. ²² Mani ji Timoti unun amin kilegisi unun pakyaņsi nandanj imanj. Monji da dat paņpulugonj unun da tilak Timoti da nak aņpuluganban Gen Bin Tagisi yanj tenņenomak. ²³ Mibiltok yo noman taņ namdanj unun pındagek don Timoti tepmisi yabekgo opjak.

²⁴ Ae Amin Tagi da anpuluganban nakyo kisi donjok obin dandaken yan si nandisat.

Pol da Epaprodaitas yabekban Pilipai kisak do yagit

²⁵ Mani abisok Epaprodaitas nan yabekgo jikon tobil opjak do nandisat. Unun notno ae pi isalno. Nit Amin Tagi dakon emat amin ekwamak. Ji da yabekba nagon obin nak anpulugagit.

²⁶ Epaprodaitas ji dandak do tepmisi nandisak, ae but yokwi yo kisi asak, nido sot madepsi da abidagit dakon geni ji kili nandanek bupmi madepsi nandawit, mibili yan do bupmi nandisak.

²⁷ Unun bamisi. Sot obisi anek palisi kimagit, mani Pin kop da bupmi nandan iminek anmilip agit. Ae nakyo kisi bupmi nandan namgut. Nido kimagit tam nak but yokwi madepsi nandakom.

²⁸ Do jikon yipbo opjak do tagisi nandisat, nido ji unun aesi kanek but galaksi nandanek egipdan, ae nak dakon but kisi yawori tokdisak.

²⁹ Jikon abin altosak bisapmon kisik kisik anek Amin Tagi da manon da abidoni. Asi, unuden amin do man madep yomni.

³⁰ Nido unun Kristo dakon pi anek palisi kimagit. Ji nak anpulugok do nandawit, mani Epaprodaitas da ji da tamokon obin nak anpuluganek pali kimagit.

3

Amin kinda Kristo nandan gadan imisak unun amin kilegisi

¹ Not kabino, wasip do yan dayisat, ji Amin Tagi dakon minjat amin kabini do kisik kisik ani. Kalip

papia diwari ji do mandan damgum unuden ae mandak do dima kurak tosot, nido gen unun da ji panpulugokdisak. Gen unun yan:

² Amin diwari yan yon, gak Pin kop da amin kilegi yan gayisak do nandisal kan, giptim mandak dakon anpak yolek abi. Yan yon amin jon pinan yokwi yombem. Nandak nandakni yokwi ae anpakni yokwi, do unuden amin do kan kimotni.

³ Nido nin dagin Pin kop dakon amin kabi bamisi ekwaman. Nin Pin kop dakon Wup da tapmimon Pin kop gawak imaman, ae Yesu Kristo da nin do yo madepsi agit unun do nandanek man madep imaman, do Pin kop da nin dogin nandaban kilek tosok. Nin da pi kind a ano Pin kop da nindaban nin amin kilegisi aman unun dakon kosit kind a dimasi tosok yan si nandaman.

⁴ Nak naga kalip Pin kop da inamon amin kilegisi egipben do amin diwari yapmanek pi madepsi agim. Do man madep pak do nandisat kan tagi paken. ⁵ Nido, men da analanban gildat 8 yan mudanakwan mukwa sogok amin da giptimno mandawit. Nak Israel amin kind a, Benjamin da kabikon nani. Nak Ibru aminsi kind a, nak Ibru amin dakon yawi diwatsi. Nak Parisi kabikon nani kind a, nak gen teban morap guramik kimokdot.

⁶ Nak Pin kop dakon pi madepsi anek minat aminyo Kristo nandan gadan imgwit obisi panupbal agim. Ae Juda amin dakon gen teban yolapbo gulusunno kind a dima kawit.

⁷ Kalip unun yo morap anapbo mano ton ae unun da anpulanban Pin kop da nandaban kilek

3:3: Ro 2.29 **3:4:** Ya 22.3 **3:5:** Lk 1.59; Ya 23.6; 2Ko 11.22

3:6: Ya 8.3 **3:7:** Mt 13.44-46

tosok yan nandagim, mani abisok koko yo isali asak. Abisok nak Kristo dogin nandisat. ⁸ Asi, yo morap ak do nandagim bo ae yolapbo Pinokop da kanban kilek tosak yan nandagim, unun wagil yo isalisi. Nido, Amin Tagino Yesu Kristo nandan imisat unun do nandako yo bamisi asak. Do nak anpulgok do yo agit, nak unun do nandaneK Kristo dakon anpak abidagim. Ae nandak nandaknokon da kalip yo diwari yolek agim unun yo isalisi yan nandisat. Yesu Kristo nanjin tebai abidaneK ⁹ iyikonsi egipben do nandisat. Nak gen teban tagisi guramikdat do Pinokop da inamon nak amin kilegisi yan dakon nandak nandak dimasi pasat. Nak Kristo nandan gadan imisat, anapbo Pinokop da amin kilegi yan nayisak. ¹⁰ Kristo pakyanji nandan im do nandisat. Unun kimagek aeni pidagit, do tapmimni nagon tosak do nandisat. Ae tepmi pagit unuden gin paken do nandisat. Ae kimot do anek nandak nandak pagit unuden gin paken do nandisat. ¹¹ Nido, Pinokop da nakyo kisi kimoron nan aban pidoken do nandisat.

Pol si teban taneK timtim yanek tilagonsi kisak

¹² Nak Kristo dakon anpak unun kili abidaneK aripnosi anapbo Pinokop da gulusunno kinda dima kosok yan dima nandisat. Mani Yesu Kristo pakyanji nandan imim anpak unun nan yoldat. Nido, nak iyi do manjigit bisapmon anpak unuden aben do manjigit. ¹³ Not kabino, nak Kristo pakyanji nandan imim anpak unun kili abidagim yan dima nandisat. Mani napbi gwapbo kindakon

agisat yan nandisat. Yo kalip agim unun do nandak nandak dima asat, nak yo morap don noman tokdan unun do nandak nandak ban asat. ¹⁴ Nak tapmimno kisi paregek timtim yanek tilagon kin al-tanek tomnino unun abidoken do pini asat. Tomni unun yan: Nak Yesu Kristo pakyan si nandan iminek Pin kop dakon yan ilit yolek Kwen Kokup-mon wigiken.

¹⁵ Pin kop dakon yo do nandak nandakji amin bami dakon tilak yombem kan, nandak nandakji nak dakon gat arip. Ae jikon da diwari nandak nandakni nwan nwan tan yoman kan, Pin kop da nandak nandak unun panmilip anakwan galaktokni yolni. ¹⁶ Yo madepsi unun yan: Pin kop da ni anpak yolnen do kili niyigit unun tebaisi timgek yolnen.

¹⁷ Not kabino, ji nak dakon anpak ban yolek ani. Nin ji gat egipguman bisapmon anpak tagisi anapno amin diwari da pindagek yolgwit. Ji unun minat aminyo ban si pindak kimagek anpakni unun si yolni. ¹⁸ Nido, minat aminyo morapmi da Kristo dakon tilak kindap do uwal anek anpak yokwisi an. Bisap morapmi minat aminyo unuden do kili dayigim, ae abisok dabil pakbino si manakwa anpak yokwi an unun do aeno dayisat. ¹⁹ Giptim dakon galaktok da pin kopni asak. Ae anpak diwari amin da mayaktok pakpagi unun ban anek iyi do nandaba tagisi asak. Unuden amin miktim dakon yo morap dogin nandan, do Pin kop da panupbal aban Tipdomon pigikdan. ²⁰ Mani nin Kwen Kokup dakon minat aminyo ekwaman. Nin Amin

Tagi Yesu Kristo yokwikon banj timit timit aminin da Kwen Kokupmon da pisak unun do nandan teban tanek jomjom aman. ²¹ Unun da iyi dakon tapmimon da yo morap kila asak, ae on miktim dakon giptimnin kulabik aban iyi dakon giptim yombem wagil tagisi akdisak.

4

Nin but kalon anek, kisik kisik anek, nandak nandak kilegi timigek egipnen

¹ Not kabino, nak ji do but dasi galak tan daminek ji abin dandak do tagisi nandisat. Anek but galak madepsi nandisat, nido ji Kristo nandan gadan imgwit. Pi madep agim dakon tomnino unun ji mani. Notnoni, ji gen abisok dayisat unun da aripmon tebaisi atni.

² Yuodia gat ae Sintiki gat yanši dayisat, jil Amin Tagi nandan gadan imamal do jil pidok pidok yipmanek but kalon anjil. ³ Ae pi isalno tagisi, gak minat bamot unun panpuluganbi but kalon anjil do gayisat. Nido nak gadan nabal Gen Bin Tagisi yan tenjenok do pi madepsi agiman. Ae Klemen gat ae nak dakon pi isalno diwari gat kisi da pi agiman. Unun amin kabi dakon mani unun egip egip teban papiakon tan yoman.

⁴ Bisapmi bisapmi Amin Tagikon gadanek kisik kisik ani. Aeno dayisat, kisik kisik anek egipni.

⁵ Anpak yaworisi anek egakwa amin kisi da anpakji tagisi pindatni. Nandani, Amin Tagi kilisok unun apdisak. ⁶ Ji yo kindo do nandaba kik dimasi

3:21: 1Ko 15.28,42-53

4:1: 1Tes 2.19-20


4:3: Lk 10.20

4:5: Ibr 10.25; Jem 5.8-9

4:6: Mt 6.25-34; Kol 4.2

ani. Bisapmi bisapmi jigisi do nandanek Pin kop iyini. Bisit iyinek, ya yan iyinek, panpulugosak do iyini. ⁷ Yan ani kan, Pin kop dakon but yawotni jikon tosak. Unun but yawot amin nin da mibili aripmi dima nandan pisonen. But yawotni da butji ae nandak nandakji pan kutnan ban Yesu Kristokon gadanek tagisi egipni.

⁸ Not kabino, nak mibi gen kind a gat dayisat, unun yan. Bisapmi bisapmi ji unun dogin nandani: anpak bamisi, ae tagisi ae kilegisi, ae anpak wagil jimjimi minisi, ae yo gwaljigi minisi, ae yo tagisi morap, ae anpak nomanisi, ae anpak tagisi morap amin da aba pindatnen do tagisi nandaman, ji yo unuden dogin nandanek egipni. ⁹ Nak anpak morap ani do dayin dekho nandawit, ae anpak morap abo nandawit, unun anpak morap ji bisapmi bisapmi an kimotni. Anakwa Pin kop but yawot ami da ji gat egipjak.

Pol da Pilipai amin da but galak do yo yopmanimgwit unun do but galak nandagit

¹⁰ Ji da nak anpulugok do yo ayin unun do tagisi nandanek Amin Tagi ankisisat. Asi, ji kalip nak do nandawit, mani nak anpulugoni dakon kosit kind a dima tan damgut. ¹¹ Nak da yo do wadanek gen on dima dayisat. Nak nandak nandak yan nan kili nandako pisagit: Nak yo kabino morapmi bo morapmi dima, unun do nandaba kik dima asat, kisi tagi gin yan nandisat. ¹² Bupmi aminsi egipben bo ae yo kabino morapmi panek egipben, unun kisi tagigin. Jap do anek egisat, bo butno tugon unun

yo isali. ¹³ Nido, Kristo da tapmim namınakwan yo morap tagi aben.

¹⁴ Asi, ji da nak anpulugok do yo yopba opni do dima nandagim. Mani, ji anpak tagisi anek nagon gadanba jigi kaloni panek nak do yo yopba apgwit. ¹⁵ Nak kalip Masadonia miktimon agek Gen Bin Tagisi dayiko ji nandan gadanek panmuwukbi kaluksi awit. Pilipai minat aminyo disi nandan, Masadonia miktim yipman dekgim bisapmon panmuwukbi minat aminyo kokup nwanjwarikon nani di da monej di nak anpulugok do dima yopman namgwit. Ji dagin nak do yan awit. ¹⁶ Kokup pap Tesalonaika egapbo ji da monej ae yo di nak anpulugok do bisap morapmi yopman namgwit. ¹⁷ Yan yanapbo but galak do ji da ae anpulugoni do yosok yan di nandabam. Dima. Ji anpak tagisi sigin anakwa Pin kop da unun do tagisi nandisak do nandisat. ¹⁸ Ji da yo morap Epaprodaitas da kisiron da yopba apgwit unun kili timikgim. Abisok yono tugok tugogisi. Unun but galak dakon yo yopman namgwit unun paret kibani tagisi yombem nan ji da Pin kop do imgwit. Pin kop da paret unuden do galagisi nandisak. ¹⁹ Ae Pin kop da yo morap nido wadak wadak an unun aripjikon damjak, nido Pin kop dakon yo tagisi morap unun Yesu Kristokon ton, do asi damdisak.

²⁰ Pin kop Datnin mani dagok dagogi mini ankisin kimotne. Unun asi.

Pol da Pilipai amin do gildat tagi yan yoyigıt

²¹ Yesu Kristo dakon minat amin morap do gildat tagi yan yoyini. Panmuwukbi notnin nak gat idon

ekwaman unun kisi da ji do gildat tagi yan dayan.
²² Ae Pin kop dakon minjat amin morap da gildat tagi yan dayan. Diwar i kila amin madep Sisa da yut papmon pi an, unun da nak da gildat tagi yan dayiken do gwayan gwayan tebai nayan.

²³ Amin Tagi Yesu Kristo dakon nandan yawotni ji da wupmon tosak.

PIN^KOP GEN
The New Testament and Psalms in the Yopno Language
of Papua New Guinea
Nupela Testamen na Buk Song long tokples Yopno long
Niugini

copyright © 2010 Wycliffe Bible Translators, Inc.

Language: Yopno

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-01-09

PDF generated using Haiola and XeLaTeX on 22 Feb 2024 from source files dated 31 Aug 2023

b683ce50-d820-5bfc-8471-d8ee080be106